



Universitätsbibliothek Paderborn

Evropeae Historiae Societatis Iesv Pars ...

Anglia

Bartoli, Daniello

Lvgdvni, 1671

Capvt XV. Amor singularis Catholicorum, & Reuerentia in Gerardum.

Horum præsidio euadit è Turri Londinensi. Londini nihilominus frequentatur, & pristina ministeria repetit. Denuo proditur. Sed ...

urn:nbn:de:hbz:466:1-10773

benda ex eo censui , quo & eius , & Southuelli , & Vvalpoli generosus & Deo confisus animus , Deique in iis potens inter æstus dolorum , & ministrorum barbariem roborandis præsidium intelligeretur .

Supereft infelix & æternum lugendus Gerardi proditor qui pro illa quam perfidiosè deiecto Gerardo ambuerat Catholicorum reuerentia & amore , omnium incurrit execrations ; fuitque illis tam detestabilis , vt ministerum confisus gratia proditione parta , desertione vitam sacrilegus , libertatem , & subsidij aliquid ad viicitandum coëmerit . Subtracto dehinc è Turri Gerardo , quicquid vaftitie & ingenio valebat , magno videbatur ardore , ac desiderio mouere vt nancisceretur alicubi Gerardum à quo proditionis peteret veniam , & reconciliandæ gratiam benevolentiae , vel vt dictis facta verius loquebantur ad eum crudelius proditione iterata caro aduersariis vendendum . Ac offensæ quidem quam se aiebat flagitare , veniam ad illum vltro misit Gerardus ; vt autem illum condicto conueniret sibi ad genua prouoluendum , & suo Catholici & Gerardi bono negarunt conducere :



*Amor singularis Catholicorum , & Reuerentia in
Gerardum. Horum prædio euadit è Turri Lon-
dinensi. Londini nihilominus frequentatur , &
pristica ministeria repetit. Denuo proditur. Sed
proditionem , famulus eius fallit seque illum af-
simulans capit , torquetur ; fuga euadit , in So-
cietatem admittitur.*

C A P V T X V .

ES T I T V T V s suo carceri Gerardus multos illic dies ad nouos hærebat se parans cruciatuſ , quorum metu & minis fuerat impugnatus . Verum , nec volebant consiliarij tacito in illis , sed ignominioso ad Tiburnum suppicio mori ; nec sperabant quicquam villa doloris extortum iri ex eo de Garneto , hæc illos , non iuris , aut pietatis cogitatio auertit à cruciatibus repetendis . Ille hac interim morarum ambiguate bene vlus ad comparandum animum diuinis nutribus , solitudine illa in sacrum secessum ; carcere in cellulam verso , Exercitia S. Ignatij mente integro iterauit , quibus Diutini Officij Ecclesiastici , & sacræ paginæ accessit lectio , quæ ab Caris amicis ex Clinckio carcere acceperat , nec quo-

D d d 4

tidiani cilicij, neque flagellorum vltorneæ deerant afflictiones, præter continuum anni totiusieunum, refectio in diem vna temperatum, euolufo Exercitiorum orbe legitimo, partes diei succisiwas, patuis ex malo aureo crucibus, & precatoriis globulis concinnandis ludebat, quæ deinde munuscula mitteret amicis veteribus Clinckij carceris, & per eos etiam aliis, obuoluta cartis, sed minimè vacuis tametsi candidis, succo enim inscriptæ malorum aureorum, quæ illi custos carceris emebat, quod cælauerant candore, ignis obiectu fuscatae legendum reserabant. Sic se arte mutua, cum iis Pater vicissim solabantur, erigebantque dandis quærendisque consiliis, ignaro literarum quas ferebat earum baiulo, eodemque Gerardi custode, cuius tamen fidei tribus post mensibus earum artificium creditit, qui cum erga Patrem, & afficeretur teneriter, & Catholicorum pecunia aliqua mulceretur, neglesto capitis quod vltro subibat discrimine non iam dissimulata, sed vñitata forma suscipiebat quotidie reddendas literas à Ioanne Lilio quem nuper vidimus Gerardo æditum & carceris socium, Catholicorum nunc largo sumptu extra carcerem liberum. Sed fidelibus eorum desideriis & amori parum satisfaciebant mutuae literæ, nisi Gerardi etiam aspectu, vel præsentia fruerentur, eam ob rem secundum Tamesim deambulatione simulata operiebantur dum è fenestella carceris spectanti genua fleterent, faustumque ab eo referrent adprecationem, quod quidam tam piè, quām incautè, & crebro præstigit, vt obseruatus à scrutatoribus, Gerardi ob oculos mancipatus sit carceri, & lepidis casibus appulsus in Societatem, vitam denique pro Christo posuerit. Sed hoc alibi fusi. Matronis duabus matri & filiæ cessit commodius ingenium piæ curiositatis iis vitæ suæ periculum curator carceris nummis aliquod vendidit, spectandorum leonum specie qui erant in Turri, & inuisendæ illius vxoris, dissimulato cultu nobilium feminatum, deduxit illas in conspectum Patris, vbi ei ad pedum osculum aduolutæ, post piam eius adprecationem tacitæ abscesserunt, voce omni fletu & lachrymis penitus interclusa. Quæ vota, Gerardi, velut amantissimi omnium parentis vltimum salutandi, Catholicis omnibus erant communia, quod desperarent se illum deinceps in viuis, nisi ad furcas Tibornas visuros. Idque proximum factu significabant etiam consiliarij Regij, & denuntiauit Gerardo Garnetus à quo grati animi responsū accepit optatissimum nuncium, sed enim haud multo post tempore, cum esset fisci Aduocatus illum vltimo examinaturus, aliquæ cœtera præmissuri quæ solent ex formulis postremæ sententiæ præuerti, præter spem nihil tale cogitanti, offert se fuga occasio & fugæ modus quam suo ipsem sic stylo descripsit.

Inter Turrim illam cuius suprema contignatione claudebatur, stabat alia ex aduerso sita, horto interiecto; hæc muro & fossis propinquior quæ castrum cingebant, Ardenum habebat incolam virum nobilem, Catholicæ fidei decennem iam reum, morti pridem addictum, sed neglesto, aut obliuione, suo velut sepulchro carceris dum absumeretur derelictum. Emeratis à suo eodemque Gerardi custode copiam, in testi plumbei concendi

planas

plana, spirandique illic liberiorem auram, & cœlo vndeque aperto, recreandi oculos & animum, vrbis & ruris circumspetum. Inde quotidie inambulans Patri mox ut comparuisset flectebat genua quærens sibi ab ipso benedici. Ac Pater quidem quotidie pariter suam sancte fallebat pietatem, recitabatque Missæ formam veluti celebrans, & mente, siue, ut dicitur spiritualiter Christi corpore reficiebatur; sed Iulij ultimo anni 1597. die S. Ignatio solenni, sanctiori instinctus cogitatione, sperauit posse rem diuinam ex vero in Ardenij carcere fieri. Ad hoc duobus opus esse, humanitate custodis quæ ad manum erat; & ornatu sacro, qui etiam poterat solerti ludo præsto esse. Ardenij vxori bis quot hebdomadis licebat matutum adire, & vimineo canistro, recens linum, & alia priuatim necessaria deferre, pridemque custodes id habere suspeatum desierant; fore igitur pronum ut supellecitem altaris totam, paulatim ad eum deferret. His mente versatis Gerardus, significauit Ardenio procul vatiis nutibus, & argutiis digitorum missurum se ad illum pia munuscula, sed cartam expli- caret qua inuoluerentur, admouereturque illam igni, intellecturum se ex ea quid veller. Aegrè quidem sed tandem & nutus, & succo velatum mali aurei characterem percepit nobilis, renunciauitque, & vltro & libenter, & nihil sibi æquæ in votis esse. Custodis gratiam expugnauit nummus. Postridie natalis Deiparæ, Gerardum deducit in Ardenij carcerem, ambos intus sollicitè concludit, ratus aliud nihil pensi habere nisi ut familiari colloquio solitudinis leuarent molesta tædia. Iuit inde nox tota, in parando ritè ad rem diuinam animo & communionem Eucharistiæ sacrosanctæ, ab Ardenio annos decem totos frustra expeditam. Consecrauit simul duas, & viginti hostias Gerardus, quas secum referret, & consequentibus diebus ad corroborandum in mortem animum sumeret; hic dum piè inter se variis de rebus multo iam mane fabulantur aduertunt ab illa in qua erant turritam prope abesse tum fossam, tum à fossa murum, ut primo aspectu, non videretur fuga insuperabilis; deinde etiam si cui peccatum non desit prona & facilis, in quod altius defixa cogitatione Ardenius (quem decennium carceris & desperatio libertatis urgebant acrius) cœperit rem Patri demonstrare factu procluem, & securam, ductoque de summa & modo, in longum sermone, inter eos conuenit, ut consuleretur à Patre Garnetus, quod is sensisset haberetur pro Dei placito: si remanendum patienter; si fugiendum strenuè curaretur. Respondit nec diu post Garnetus, si tuto posset, & vita incolumi fugiendum, & hanc esse item Catholicorum nobilium mentem, illius præsertim apud quem Gerardus fuerat hospes quadriennis, cui nihilominus pro suo in eum affectu ne fugam tentans aut rucret alicunde præceps, aut excubitorum vigilancia sistetur visus est prius florenis mille custos eius tentandus & centum aliis in vitam annuis, si Gerardi mutato habitu dissimularet ē Castello egressum; sed eo tam audax periculum ut maximè cuperet abhorrente, assensit demum fugæ cum aliis, fuitque illius primarius etiam Administer. Fugæ autem modus, intus per literas, foris per amicos condicto digestus, fuit qui sequitur.

Eee

Die medianam post noctem certo, adfuturi erant manuaria in scapha, prono Tamesi Ioannes Lillius, & Ricardus Fuluodius memorati nuper in carcere Clinckio, eodemque in carcere Gerardi custos haud quidem Catholicus, sed eius amore, ac reuerentia mirè captus; eius scapha cum esset, illum scapham ex arte solita, & experientia duclurum; linum singulos ad pectus candidum apperturos ut internoscerent inuicem, rudentem in scapha gestaturos; applicituros è regione turris qua tenebatur Ardenius, velut operam piscationi darent. Hunc, & Patrem Gerardum quem oportebat præsto esse, cateto plumbeo, filo pondus facturos quo deorsum proiecto, alligatum filo sursum ad se rudentis attollerent caput; dum extremito inferius rudente capit is ad truncum arboris fortiter adstricto, sic tensò, quam posset vi maxima, cum fossam velut ponte iuxtissent, commendarent se Deo, suisque brachiis, sequi illum per funem deorsum lentè demitterent. Rebus ita consultis, expugnatoque iterum custode ut Gerardo noctem in Ardenij carcere iterum indulgeret; tres scripsit Gerardus epistolas, quas esset fugiens in turris recto relicturus. Primam ad Custodem, ad Equitem Battleyum alteram castelli Præfectum, tertiam ad Senatum. Priori fugam quam humanissimè excusabat, datumque se operam ne qua posset pars eius illi attribui; Bartleyo omnem à custode suspicionem amouebat, vt qui mille tunc florensis, & centum deinceps perpetuis non potuisset expugnari. De vtroque scribebat ad Senatum, addebatque fugiendi causam exitisse non mortem ad quam iam stabat per Dei gratiam expeditus, sed mortis iniquæ falsissimas causas, & iniustissimas, quibus vita Garneti viri sancti, & fama, & innocentia, productione sacrilega, calumniosa, & coacta petebatur, ad hæc naturæ vsum iure, innocentibus debito, se fuga seruasse vt animorum prodesset saluti, & ministerio Sacerdotibus proprio iis succurreret quod solis animi & futuræ vitæ negotiis continetur. Is se vnis, animum ac vires, intactis cæteris intendisse, se nimis certo Senatui compertum ex diuturni carceris annis tribus, quibus vitæ suæ anteactæ rationes omnes subtili examine perpendissent. Præter has literas summa in turri exponendas; quartas miserat ad amicum, amantissimo custodi reddendas. Adebat interea rei gerendæ articolus, eius euentum cœlitus fortunari certant Catholicæ, & largitate in pauperes, afflictione sui, & orationibus à Deo illum impetrare; & iij quidem ex vrbis nobilitate primaria, in quibus fuit, qui hebdomadarium sibi dum viueret, voto indixit ieiunij diem, si receperisset Gerardum incolument. Quo precum sanctorum tanto molimine quam necessario res illa egeret subinde patuit. Primum eius tentandæ aditum, inanem fecit è vicinia vir, tres illos in scapha, quos dixi, conspicatus, & alta voce cum iis locutus, ex quo illi putarunt cautius in omnem euentum, nocte illa nihil experiri, sed cum prono feruntur Tamesi, pleno mari redeuntis fluento impares abripiuntur in trabes, pontis interserras parastatis, Deum & homines in opem, magnis clamoribus vocantes. Actum erat de illis, nisi grandis, & periculo par accurritser nauis, & iactis è ponte funibus emersi constitissent.

stisissent. Amissis rudentibus, & scapha euasere. Spectabant cum mari, & morte luctantes, audiebantque Ardenius è turri sua, & Gerardus cum eo votis ardentibus salutem miseris, sed magno silentio poscentes, ne quis ipsorum afflaret gemitus subiecto in horto excubantes. Defunctus hoc infortunio Gerardus suo se moestus carcere abdidit, omni aleæ denuo mittendæ posita cogitatione. At trium illorum Gerardi magis quam sui aman-
tium fortia pectora, vitati donum periculi argumentum putatunt operæ
Deo gratæ. Scribit die eodem Lilius ad Gerardum, benè omnia per Dei
gratiam post naufragium habere. Reditent postridie, horaque eadem, &
operirentur reddituros. Extorta sed ægrius & duplicata mercede venia Ge-
rardus, cum Ardenio tertium pernoctandi, animaduertunt cimbam surdo
remigio propinquantem, filum proiiciunt plumbo alligatum trahuntque
ad se innexum rudentem quem firmis ad prostans è turri tormentum belli-
cum, & multiplibus adstringunt & tendunt nodorum vinculis; vice ver-
sa qui erant in cimba, trunco arboris ingenti colligant, & vehementissime
intendunt. Verum enim vero haud valuit vi tanta intendi quin tanto quod
iunxerat spatio latus flaccesceret & in arcum penderet, sic ut per eum
descensurus non satis sui pondere iuuaretur, sed neutrui opus esset ad supe-
randam illam rudentis curuaturam, & dexteritate ad æquilibrium tenen-
dum in cannabina illa æquitatione, quod vtrumque metu æterni carceris,
aut mortis non dubiæ, ruinæ metum dubium pellente, Ardenius feliciter
exegit, fossamque, & murum per aërem transmisit. Gerardus lentato laxius
quam foret antea rudenti se committens, accita in auxilium Dei matre, &
duplicis illius carceris duobus incolis Southuello, & Vvalpolo, aliquan-
tulum confecit viæ, sed neutrorum defectu, mox in supinum eversus pepen-
dit è cannabe, promouitque nihilominus usque ad medium: hinc prorsus
defectus viribus, & halitu, nec valens transuersum digitum procedere, sta-
tuebat se aquis præfocandum, cum ruinæ proximus in fossam immineret.
Collecto igitur quod supererat extinti spiritus, eusus ad murum extremis
pedibus tangendum; inde illum adrepens traxit Lilius in terram exani-
mum, & cardiaco liquore modicè recreatum cimbæ imposuit, post seculo ru-
dente de turri pendulo, in aduersam ripam celeritate summa traicitur, li-
beratis Deo infinitas agentibus gratias, liberatoribus bonum factum, &
sanctum festo sibi fletu plaudentibus. Rem ut retuli gestam nocte post
quartum Octobris proxima anni 1597. testantur datæ non multo post lite-
ræ quas præ oculis complures habeo. Breue spatium pedibus emensi ob-
uiam cernunt occurtere cum equorum pari, Ioannem Paruum quibus sub
auroram insentis eò volant ubi Garnetus habitabat, milliaribus à Londino
pasuis, quantis vero vtrumque lætitias cogiteret melius quam narretur.

Iam quarta Gerardi epistola, vix illuxerat post fugam dies, cum eius
custodi reddira est coramque perlecta. Docebat illum Pater fugæ causam
vitaret ipsem et quantumvis innocens, futurum discriben; rebus si quas
haberet in turri componendas, expeditis, absque mora se domum reciperet
(quam illi designabat) illic ei tum equum, tum viæ ducem præsto fore, *

Eee 2

quo subduceretur in tutum saluus, vbi esset abunde ad victum inuenturus, florenosque insuper quamdiu viueret, per annum ducentos. Gerardi fuga, & improuiso periculo sideratus custos, videbatur stupere, & congelascere, sed necessitate præcipitantis articuli, stuporem illico soluente, omissa Turri, & lare proprio equum statim conscendit, & à Ioanne Fuluuodio uno ex tribus cymbæ ductoribus, subtraëtus est in domum Catholicæ nobilis, miliaribus ab vrbe centum vbi annum egit percommode, quoad recepta Londonio coniuge, in aliam migraret Prouinciam, in qua vitæ residuum præstatione promissæ pecuniaæ honestè exegit, quodque omnibus præferendum sincerus ad mortem Catholicus. Custode Bartleyus, per multos in cassum peruestigatores requisito, Gerardi literas in turris tecto expositas, tulit in Consilium Regium, à quo maiori admiratione quam strepitù, quod gestum fuerat exceptum. Vnus quin etiam è Senatoribus assidenti sibi nobili in aurem, fuga Domini Gerardi quam morte plus gaudeo, cui nisi fugeret cogebamur illum addicere. Vnus magno fragore tonabat & tumultuabatur Bartleyus ne putaretur, aut Reginæ infidus, vel fugæ particeps, aut saltem conscius, poscebarque ardenter à Senatu viros quoquo versum Catholicorum palatia, & ædes cum potestate scrutaturos. Risere Consiliarij postulatum, nam qui tantum amicis, mente, & pectore valuit ad rei tam nouæ, ac periculosæ felicem exitum; huic scilicet amici, equi, animus & industria defuerit, vt rem prosperè confectam in tuto collocaret, amoueretque se hinc in tractus peregrinos, vel ignotos. Gerardum porrò, mortis metu haudquaquam fuisse in fugam adactum, sed animarum studio, & amore, argumento sit, quod paucis post diebus Londonium rediit; ædes sibi conduxit, ministerij sancti labores repetiit, primùm cautè magis, quām timide, Catholicis intempesta nocte adeundis, docendis, iuuandisque dum illucesceret; paulatim liberius, eoque demum confidentius quo animaduertit, tenetum se prope ab aduersariis sèpius, illorum semper è manibus Dei beneficio exisse quoad anno tandem æui nostri sexto coactus est deserere Angliam, laboriosis clatus victoriis, & animarum spoliis opulentus.

Duobus tandem Gerardi liberatoribus quid factum sit, vel eò dicendum, quòd eorum alter hoc propriè spectet, Fuluuodius quidem Gerardum ad fugam compertus adiuuuisse, ad furcas damnatus est. Proscriptum eius caput grandi pecunia, si quis repræsentasset virum, aut monstrasset latentem, impar vitæ venali tot inter emptores circumferenda & seruanda in Belgium traiecit, totumque se contulit in vilitates Anglicæ missionis. Longè aliter Lillius; suo enim non ferens ab Garardo diuelli, dedit se illi perpetuo in seruum, conditione famulari, amore filij, fidelitate plusquam intima & fraterna, quæ morte propria vitam redimit alienam. Captarat Gerardus ad Exercitia S. Patris obeunda, simulque nobilibus adolescentibus tradenda, secessum domus Catholicæ, & illustris, cum ecce tibi, quinto vix ab incœptis die, flagitosi serui perfidia proditus, videt repente Delegatos duos furtim domum subire; ipse ad omnia casu, tam subito imparatus, quod vnum poterat, vestem sibi talarem detrahit, seque suo vt licuit diler-

genter

genter cubiculo claudit. Ad hoc erat accessus per anterius conclave quod sa-
celli præbebat vsum, & sacro altaris, & supellectilis diuinæ ornatu splen-
debat, dabatque Sacerdotis indubitatem conjecturam. Patis ergo ad
fores pulsare dum pergunt satellites, isque intus silens humerisque ob-
nixus impellentes ianuam moratur; matrona prudens quæ illis præ-
bat, clavim si vellent qua illam reserarent indicaturam se illis obtulit,
iis eam sequentibus, penetrat se raptim in cubiculum aliud Gerardus, ex
quo erat in latibulum ignotus aditus; Lillium vrgebat secum pariter abs-
condi; sed huic suus erga Patrem amor, quantum animorum, tantum pru-
dentiæ suggestit; nam si sequor, quis, inquit, Domine? Quem prehen-
dant, Sacerdos præter te? Domi enim Sacerdos quin lateat non possunt
ambigere; partes tuas obibo, tu meas sis obi, & pro me Deo enixè sup-
plica; cum his Patre diligenter clauso, in cubiculum redit ex quo Garar-
dus effugerat, adsunt clavi nusquam reperta satellites, id enim solum quæ-
rebat matrona ut ab eius cubiculi foribus illos amoueret, quibus illi denuo
pulsatis, vim parant ad eas emouendas. Prodit Ioannes magna grauitate,
vultuque composito: interrogatus quis esset, gestiit scilicet, aduertens
Gerardum non esse illis de facie notum; serius tamen & seuero similis,
sum, inquit, ille ipse quem cernitis. Sacerdosne, inquiunt? Vestrum est re-
spondet videre si sim, num sim dicere, nihil ad me. Prostabant in mensa scri-
pta quædam, coniectis obiter in ea oculis, aduertunt ad concionandum, &
meditandum ea pertinere; hinc & talati è tunica quam à se Gerardus abie-
cerat; certo conficiunt Gerardum hunc esse quem petebant, prehensum
que de Reginæ mandato carceri destinant domus vero Dominus binis eum
familis, dum tenetur, addiciturque fisco res eius omnis, scripta in fascicu-
lum colliguntur, sacellum ne quis ed subiret obsignatur & nobiles matro-
næ complures in aula inferiori se continent, quoad reliquam dominum per-
uestigassent Delegati. Lilius in eam inducitur; illæ coram aperto capite,
& in pedes stare, tunc vero is graui schemate, auctoritatique velut debitæ
specie introgressus, cum eas salutasset, nulla earum ducta ratione, nihilque
hæsitans, suo quasi iure caput operuit, ex quo illæ persona quam assimu-
laret catè animaduersa, reuerenter illum salutarunt, mirè apud se serui fi-
dem & industriam laudantes, quædam etiam flentes præ gaudio quæ magis
dolere videbantur. Abeuntibus Delegatis cum præda captorum quatuor,
ad Gerardi latebras curritur, Deo laudes & gratiæ dicuntur; celebratur
apud illum fides, & solertia Lillij. Cuius postidie citata in Senatu causa,
paucis interrogatis deprehenditur laicus non Sacerdos; Lilius non Gerar-
dus; Pharmacopæus olim per annos septem Londinensis, per alios quatuor
pro fide Catholica Clinckij carceris incola. Quibus efferati pudore iraque
Senatores, Delegatos remittunt, integraturos cum furore accusationem ri-
mandi omnia; sed sero tametsi præcipites, Gerardus cum sole iter inierat;
eratque multis iam milliaribus ab yrbe inter suburbana Catholicorum il-
lustrium, vbi Lilius vita feruidis precibus commendabatur diuinæ bonitati,
accederat enim ad ea quibus premebatur; vxor eius qui custos olim Ge-

Eee 3

rardi fuerat, hæc interrogata de Gerardi fuga, eius administrum fecerat Lillium, fas ille ingenuè ipsemet fuerat Popamo iudici, nec de illa fuga quicquam eius custodi posse attribui, curatorem se illius fuisse, & auspiciem, vni sibi & facti meritum, & eius gloriam debeti, tanti que hoc sibi videti apud Deum, ut eius recordatione resiceretur magnoperè, essetque alias, si ferret occasio, propenso animo idem tentaturus, quo mortis & vitæ contemptu magnanimo pars illi non patua decepsit tormentorum quæ illi parabantur. Nam percontantibus ubi esset Gerardus nescio, inquit, sed neque si scitem, dicerem, cum Christiana charitate id veter dicere, & hominem eius sanctitatis & innocentiae, quam septennio integro nauatae illi seruitutis in eo probauit dare vobis excarnisicandum, & reorum infamium necandum suppliciis? ante mihi lingua in tabum effluat, quæ in os, vel mentem id nefas admittam. Cruciatus est ad columnam quam dixi non plus horis tribus, quod duritiem hominis viderent in sua constantia obfirmatam nihil ab se passuram exprimi Gerardo aduersum; priusque facile, vel comminutis ossibus frangendum & occidendum quam à proposito flectendum. Ærumnosa ergo custodia conditus, pares loco miserias quadrimestri toto, iniuncta patientia exhaustus. Post in carcetem transcriptus quo capitalium convicti tenebantur, illic offendit Sacerdotem, expectatione supplicij vehementissimè anxius; à quo per quicquid est rogatus, ut si qua valerer, excogitaret modum, quo se restitueret libertati, quem is tam felicem, & propitium inuenit, ut se cum illo pariter, ex morte, & carcere in libertatem assereret, quantis vero id Gerardi latitiis, cum eos præter spem, præterque cogitationem, vedit coram adstare improuisos, difficile dictu sit. Potissimum vero cura Lillium audiit, nouam sibi deferre profiterique seruitutem, nec exhortatis pro illo periculis, & morte terreti. At enim tum demum sua dignus mercede, ac præmio erat operarius, tam frugi, nec triumphatis denuo committendus periculis. Optarat is pridem adscribi nobis in Societatem, nec deerant merita, nec testis meritorum Gerardus, qui norat hominem, vbiique locorum, occasionum, temporis, & conditionum promiscuè ac perpetuo agentem, eius tamen esse innocentiae tenacem, ut confessionem audienti, non posset, absoluendi materiam sat certam suggerere. Igitur ad Garnetum missus nostris in Anglia Præfatum; inde ad Personium, Romæ adscriptus est inter domesticos adiutores, & septennio post lenta correptus febricula, iustoque seriùs in cœlum patrium remissus, paulatim contabuit, sanctèque animam efflavit.

Mors